

## **Մեներգ**

Որովհետեւ ինձ խօսեցան  
Մեռնող վարդերն: Օ՛հ, ահաւոր  
Աչքեր լացին իրենց աղուոր  
Դեղնած թերթէ՛րը ցիրուցան:

Ու լեռներէն հեւիհեւ վար  
Վազող հովերը շոգերուն,  
Ինձ պատմեցին բարձունքներուն  
Խո՛ւլ վետվետումը հոգեվար:

Երկնից կամարը դիտեցի  
Անհո՛ւն պարապն էր Անէին.  
Գիսավորները կ'երթային  
Արցունքներու նման լացի:

Ու բարեկամ, ու անհամար  
Մահեր՝ կմախք գարշապարով  
Հոգվոյս վրայ պար դառնալով՝  
Կ'երգէին ինձ. «Մեռիր, հիմա՛ր...»:

**- Ռուբէն Սեալկ**